

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ**186** Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш ҳақида (Ўзбекистон Республикаси Президентининг «Дехқон бозорлари ва савдо комплекслари фаолиятини ташкил қилишни янада такомиллаштириш чора-тадбирлари тўғрисида» 2010 йил 26 апрелдаги ПҚ–1326-сон қарори)

Ўзбекистон Республикаси Президентининг «Дехқон бозорлари ва савдо комплекслари фаолиятини ташкил қилишни янада такомиллаштириш чора-тадбирлари тўғрисида» 2010 йил 26 апрелдаги ПҚ–1326-сон қарорига мувофиқ Вазирлар Маҳкамаси **қарор қилади:**

1. Ўзбекистон Республикаси Ҳукуматининг иловага мувофиқ айрим қарорларига ўзгартириш ва қўшимчалар киритилсин.

2. Мазкур қарорнинг бажарилишини назорат қилиш Ўзбекистон Республикаси Бош вазирининг биринчи ўринбосари Р.С. Азимов зиммасига юклансин.

Ўзбекистон Республикасининг
Бош вазири

Ш. МИРЗИЁЕВ

Тошкент ш.,
2010 йил 8 июнь,
112-сон

Вазирлар Маҳкамасининг
2010 йил 8 июндаги 112-сон қарорига
ИЛОВА

**Ўзбекистон Республикаси Ҳукуматининг айрим қарорларига
киритилаётган ўзгартириш ва қўшимчалар**

1. Вазирлар Маҳкамасининг «Аҳоли билан пул ҳисоб-китобларини амалга оширишда назорат-касса машиналарини мажбурий қўллаш тартиби тўғрисида» 1994 йил 26 декабрдаги 621-сон қарорининг 4-банди қуйидаги таҳрирда баён қилинсин:

«4. Белгилаб қўйилсинки, 2010 йил 1 октябрдан бошлаб аҳоли билан пул ҳисоб-китобларини амалга оширувчи юридик ва жисмоний шахслар томонидан қўлланилаётган назорат-касса машиналари ягона техник талабларга мувофиқ бўлиши керак ҳамда «Ўзстандарт» агентлиги ва унинг ҳудудий бўлинмаларида белгиланган тартибда мажбурий сертификатланиши лозим.

Сертификатга эга бўлмаган ёки белгиланган ягона техник талабларга

жавоб бермайдиган назорат-касса машиналаридан фойдаланиш, шунингдек бундай машиналардан фойдаланган ҳолда чек берилиши айбдор шахсларни қонун ҳужжатларига мувофиқ жавобгарликка тортиш учун асос ҳисобланади».

2. Вазирлар Маҳкамасининг 2003 йил 13 февралдаги 75-сон қарори (Ўзбекистон Республикаси ҚТ, 2003 й., 2-сон, 15-модда) билан тасдиқланган Ўзбекистон Республикасида чакана савдо қоидаларида:

а) қуйидаги мазмундаги 4-1-банд қўшилсин:

«4-1. Товарларнинг олиб кирилишини ва божхона божлари амалда тўланганлигини тасдиқлайдиган божхона декларацияси расмийлаштирилган санадан бошлаб 12 ой ўтгандан кейин ушбу Қоидаларга 3-иловага мувофиқ рўйхат бўйича тайёр импорт истеъмол товарларини сотувга қўйиш ва чакана сотишга йўл қўйилмайди»;

б) 189-бандга қуйидаги мазмундаги хатбоши қўшилсин:

«товарларнинг олиб кирилишини ва божхона божлари амалда тўланганлигини тасдиқлайдиган божхона декларацияси расмийлаштирилган санадан бошлаб 12 ой ўтгандан кейин ушбу Қоидаларга 3-иловага мувофиқ рўйхат бўйича тайёр импорт истеъмол товарларини сотувга қўйиш ва чакана сотиш»;

в) қуйидаги мазмундаги 3-илова қўшилсин:

«Ўзбекистон Республикасида
чакана савдо қоидаларига
3-ИЛОВА

**Товарларнинг олиб кирилишини ва божхона божлари
амалда тўланганлигини тасдиқлайдиган божхона
декларацияси расмийлаштирилган санадан бошлаб
12 ой ўтгандан кейин сотувга қўйилишига ва чакана
савдода сотилишига йўл қўйилмайдиган
тайёр импорт истеъмол товарлари
РЎЙХАТИ**

Т/р	Товарнинг қисқача номи	ТИФ ТН коди
I. Тикувчилик буюмлари, устки трикотаж, ички трикотаж, спорт трикотажи, пайпоқлар		
1.	Пальто, яримпальто, ёпқичлар, плашлар, калта камзуллар (шу жумладан чанғи камзуллари), ветровкалар, сув ўтказмайдиган махсус кийимлар ва шунга ўхшаш буюмлар	6101, 6102, 6201, 6202
2.	Костюмлар, комплектлар, пиджаклар, блейзерлар, шимлар, кўкракка тугиладиган фартукли ва лямка (елка тасма)ли комбинезонлар, жакетлар, кўйлақлар, юбкалар, юбка-шимлар, бриджилар ва калта шимлар (чўмилишда кийиладиган калта шимлардан ташқари)	6103, 6104, 6203, 6204
3.	Эркалар ёки ўғил болалар учун кўйлақлар	6105, 6205
4.	Аёллар ёки қизлар учун блузкалар, блузлар ва блузонлар	6106, 6206

Т/р	Товарнинг қисқача номи	ТИФ ТН коди
5.	Кальсонлар, трусилар, тунги кўйлақлар, пижамалар, ювениш халатлари, уй халатлари ҳамда эркаклар ва ўғил болалар учун шунга ўхшаш буюмлар	6107, 6207
6.	Комбинациялар, пастки юбкалар, трусилар, панталонлар, тунги кўйлақлар, пижамалар, пеньюарлар, ювениш халатлари, уй халатлари ва аёллар ёки қизлар учун шунга ўхшаш трикотаж буюмлар	6108, 6208
7.	Майкалар ва бошқа ички фуфайкалар	6109, 6207 91 000 0, 6207 99 000 0, 6208 91 000 0, 6208 92 000 0, 6208 99 000 0
8.	Свитерлар, пуловерлар, кардиганлар, нимчалар ва шунга ўхшаш трикотаж буюмлар	6110
9.	Болалар трикотаж кийимлари ва болалар кийимлари учун анжомлар	6111, 6209
10.	Спорт, чанги ва ювениш костюмлари. Бошқа кийим-кечак буюмлари (трикотаж кийимлардан ташқари).	6112, 6211
11.	5903, 5906 ёки 5907 ТИФ ТН товар позицияли трикотаж полотнодан тикилган кийим-кечак буюмлари	6113 00
12.	Бошқа трикотаж кийим-кечак буюмлари	6114
13.	Колготкалар, чулкилар, гольфлар, пайпоқлар ва патаклар ҳамда бошқа пайпоқлар, шу жумладан босим тақсимланган компрессион пайпоқлар ва тагчармсиз трикотаж пойабзал	6115
14.	Қўлқоплар ва трикотаж митенкилар	6116
15.	Кийимлар учун бошқа тайёр анжомлар	6117 10 000 0 — 6117 80, 6217 10 000 0
16.	Бюстгальтерлар, камарлар, корсетлар, шимни кўтариб турадиган икки елкага осиладиган тасмалар, пайпоқ боғичлари ва шунга ўхшаш буюмлар ва уларнинг қисмлари	6212
17.	Рўмоллар	6213
18.	Шолрўмоллар, шарфлар, кашнелар (шарфлар), мантильялар, вуаллар (шляпанинг юзни бекитиб турадиган тўри) ва шунга ўхшаш буюмлар	6214
19.	Галстуклар, капалакнусха галстуклар ва бўйинбоғлар	6215
20.	Қўлқоплар ва митенкилар	6216 00 000 0
II. Тюл-гардин полотноси ва ундан тикилган буюмлар		
1.	Трикотаж тюл-гардин полотноси. Пардалар (шу жумладан эшик ва дераза пардалари) ва ички дарпардалар, эшик ёки дераза пардасининг устки безакли қисмлари ёки кроватлар учун тўр ҳошиялар	6005 31 100 0, 6005 32 100 0, 6005 33 100 0, 6005 34 100 0, 6006 31 100 0, 6006 32 100 0, 6006 33 100 0, 6006 34 100 0, 6303
III. Кўрпа-тўшак ғилофлари, пахмоқ сочиқлар, чойшаблар		
1.	Кўрпа-тўшак, ошхона, ҳожатхона ғилофлари	6302
IV. Чарм пойабзал		
1.	Резина, пластмасса тагчармли, тоза чармдан ёки турли материаллардан тикилган пойабзал, устки қисми тоза чармдан тикилган пойабзал	6403

Т/р	Товарнинг қисқача номи	ТИФ ТН коди
V. Телевизорлар		
1.	Телевизорлар, телевизион алоқани қабул қилиш учун аппаратлар	8528 72 — 8528 73 000 0
VI. Совутгичлар		
1.	Маиший совутгичлар-музлатгичлар	841810
2.	Совутгичлар	8418 21 — 8418 29 000 0
VII. Кондиционерлар		
1.	Кондиционерлар	8415 10, 8415 20 000 9, 8415 81 009 0, 8415 82 000 9
VIII. Электр дазмоллар		
1.	Электр дазмоллар	8516 40

3. Вазирлар Маҳкамасининг 2003 йил 28 июлдаги 330-сон қарори (Ўзбекистон Республикаси ҚТ, 2003 й., 7-сон, 68-модда) билан тасдиқланган Ўзбекистон Республикасида бозорларда савдо фаолиятини ташкил этиш қоидаларининг 41-банди қўйидаги тахрирда баён қилинсин:

«41. Бозорлар маъмурияти томонидан бир марталик йиғимлар ва ижара ҳақи тўловларини қабул қилиш мажбурий тартибда фискал хотирага эга бўлган назорат-касса машиналарини қўллаган ҳолда амалга оширилади.

100 ва ундан ортиқ турғун савдо шохобчалари ва савдо ўринларига эга бўлган бозорлар ва уларнинг филиалларида бир марталик йиғимлар ва ижара ҳақи тўловлари фақат автоматлаштирилган тарзда банк тизими орқали ҳисобга олиш йўли билан, тўловнинг тўлиқлиги давлат солиқ хизмати органлари ходимлари томонидан ҳар куни текширилган ҳолда ундирилади».

4. Вазирлар Маҳкамасининг 2010 йил 5 апрелдаги 63-сон қарори (Ўзбекистон Республикаси ҚТ, 2010 й., 4-сон, 15-модда) билан тасдиқланган Автотранспорт воситаларини вақтинча сақлаш бўйича пулли хизматлар кўрсатиш фаолиятини амалга ошириш тартиби тўғрисидаги низомнинг 11-бандига қўйидаги мазмундаги хатбоши қўшилсин:

«300 ва ундан ортиқ турғун савдо шохобчалари ва савдо ўринларига эга бўлган бозорлар ва савдо комплексларида автотранспорт воситаларини вақтинча сақлаш бўйича хизматлар кўрсатилган ҳолларда мажбурий тартибда автотранспорт воситалари кириб келган ва чиқиб кетган вақтни қайд этиш функциясига эга бўлган электрон ҳисоблагичлар ўрнатилади».